

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

1. कश्मीर दे रेल राबते कन्नै जुड़ने मगरा मुखमन्त्री उमर अब्दुल्ला होरें रेल राबते गी इक एतिहासक मील दा पत्थर दस्सेआ। मुखमन्त्री होरें आखेआ, एह रेल संपर्क, सैलसफा, बंज बपार ते आओजाई दे आयाम बदली देग।
2. उपराज्यपाल मनोज सिन्हा होरें कल उधमपुर—श्रीनगर—बारामुला रेल रस्तेयां कटरा थमां नौगाम स्टेशन श्रीनगर तगर आटोमेटिक जांच कार एसपीआईसी च सुआरी कीती।
3. कुर्बानी दी प्रतीक बकरीद जां ईद—उल—अजहा अज्ज मुख्खै दे बक्ख—बक्ख हिस्सें च पूरी धार्मिक श्रद्धा ते जोश कन्नै मनाई जा'रदी ऐ।
4. मुख्खे दे दुए हिस्सें आला लेखा ईद—उल—अजहा जम्मू कश्मीर च बी पूरी मजहबी अकीदत ते जोश कन्नै मनाई जा'रदी ऐ।

<><><><><><>

CM-Rail

मुखमन्त्री उमर अब्दुल्ला होरें कश्मीर गी देसे दे बाकी हिस्सें कन्नै रेल राएं जोड़ने गी एतिहासक उपलब्धि करार दिंदे होई आखेआ जे एहदे कन्नै सैलसफे ते बपार गी बढ़ावा थ्होग ते मकामी लोकें दे जीन च होर सहूलत थ्होग। मुखमन्त्री होर प्रधानमन्त्री नरेन्द्र मोदी हुंदे आस्सेआ चनाह ते अंजी पुले दा उद्घाटन ते कश्मीर ताई वंदे भारत रेलगी झंडी दस्सने दे मौके कटरा च लग्गे दी इक जलसे गी संबोधत करा करदे हे। उनें गलाया जे एहदे कन्नै जम्मू कश्मीर गी मता लाह होग ते लोकें दिएं दिक्कतें परेशानिएं च बी कमी औग। माली फायदे बारे बोलदे होई मुखमन्त्री होरें इस इलाके दे बागवानी उत्पादें दी बजारें तगर बेहतर पुज्ज ते इत्थुं तगर के बाहरले मुख्खें च बी इनेंगी भेजने च सखाल होई जाग। एहदे कन्नै बपारी तबकें गी टकोहृदा करियै लाह पुज्जोग।

प्रधानमंत्री श्री मोदी हुंदी नुमायंदगी दी सराहना करदे होई मुखमंत्रि होरें आखेआ जे इस महत्वै आले बुनियादी ढांचे दा कामयाबी कन्नै पूरा होना जम्मू कश्मीर दे विकास लेई केन्द्र दी वचनबद्धता दा नतीजा ऐ। मुखमंत्रि होरें मेद जताई जे प्रधानमंत्री हुंदे लगातार समर्थन कन्नै जम्मू कश्मीर तौलै गै पूर्ण राज्य दा दर्जा हासल करी लैग।

<><><><><><>

LG-Train Ride

उपराज्यपाल मनोज सिन्हा होरें कल उधमपुर—श्रीनगर—बारामुला रेल ट्रेक पर कटरा थमां नौगाम स्टेशन श्रीनगर तगर आटोमैटिक जांच कार एसपीआईसी च सुआरी कीती। माननीय प्रधानमंत्री नरेन्द्र मोदी होरें इस रेल लिंक गी राष्ट्र गी नमित कीता हा। श्री सिन्हा होरें बत्ता औने आलिएं सब्बने सुरंगें ते पुले दा निरीक्षण करने दे अलावा सुरक्षा ते बचाह सरबंधी उपाएं दी बी समीक्षा कीती। उनें रेलवे पायलटें ते अफसरें कन्नै बी गल्लबात कीती ते कश्मीर दा मुल्खे दे बाकी हिस्सें कन्नै सब्बै मौसमे च संपर्क बरकरार रखने पर खुशी प्रगट कीती। इस दरान उपराज्यपाल हुंदे कन्ने केन्द्र रेल सुचारू ते प्रसारण मंत्री अश्विनी वैष्णव होर बी मजूद हे।

<><><><><><>

Rana Rail

जल शक्तिख जंगलात ते जनजातीय मामले सरबंधी मैहकमे दे मंत्री जावेद अहमद राणा होरें उधमपुर—श्रीनगर—बारामुला रेल राबते दे उद्घाटन गी एतिहासक दस्सदे होई एहदी सराहना कीती। उनें इस लिंक गी जम्मू कश्मीर दे हर तबके दे विकास च इसी इक बड़ी कामयाबी दस्सेआ। मंत्री होरें इंजीनियरिंग दे इस चमत्कार गी सच करने लेई रेलवे ते केन्द्र सरकार दे कन्नो कन्नी जम्मू कश्मीर सरकार दी बी तरीफ कीती। प्रधानमंत्री नरेन्द्र मोदी ते केन्द्री रेल मंत्री हुंदा धन्नबाद जतांदे होई उनें इस परियोजना गी तोड़ चाढ़ने लेई जेहूदे नेके बरे च सरकारे आस्सेआकीती गेदिएं कोश्टें गी चेता कीता।

<><><><><><>

Rail Ramban

कश्मीर च जाने आली पैहली पैहली वंदे भारत ट्रेन दा कल संगलदान रेलवे स्टेशन पर भव्य सुआगत कीता गेआ। एह स्टेशन प्रतिष्ठित उधमपुर—श्रीनगर—बारामुला रेल लिंक दा इक महत्वै आला स्टाप ऐ।

जिला प्रशासन रामबन नै डीसी बसीर-उल-हक-चौधरी ते डीआईजी श्रीधर पाटिल हुंदी अगुवाई च देश प्रेम दे जज्बे कन्नै ट्रेन दा सुआगत कीता। एह्दे थमां पैहने प्रधानमंत्री नरेन्द्र मोदी होरें झंडी दस्सियै रेलें गी कटरा थमां श्रीनगर लेई रवाना कीता।

<><><><><><>

Special Feature

भारत नै सेवा सुशासन ते गरीबें दी भलाई बेहतरी आले सिद्धांतें कन्नै पिछले दक दहाके दरान बदलाव आले टकोह्दे कम्म कीते न। आकाशवाणी समाचार जंदे 11एं ब'रे दरान मुख्य क्षेत्रें च सरकार दिएं कोश्टें पर फीचर प्रसारित करा करदा ऐ। अज्ज अस गल्ल करा करदे वैश्विक नुमायंदगी ते स्वच्छ ऊर्जा पर। पिछले इक दहाके च भारत नै स्वच्छ ऊर्जा दे क्षेत्र च टकोह्दी उपलब्धि हासल कीती ऐ। जलवायु कारवाई च समूलची दुनिया च लीडर दे तोरा पर उभरेआ ऐ। देसै नै माली ब'रे 2024-25 च अक्षय ऊर्जा समर्थ च रिकार्ड 29.52 गीगावाट होर जोड़े, जेह्दे कन्नै कुल क्षमता 220.10 गीगावाट होइ गेई जेह्दी के जंदे ब'रे 187.75 गीगावाट ही। एह्दे च सूरज ते वाि कन्नै सरबंध पवन ऊर्जा च तेजिया कन्नै बाद्धा ते परमाणु समर्थ च बी लोड़चदी वृद्धि शामिल ऐ। भारत हुन दुनिया भरै च इक्षय ऊर्जा दे मामले च 7मीं थाहर पर ऐ, जेह्ड़ा इस क्षेत्र च ओह्दे बधा करदे कद दा सबूत ऐ। स्वच्छ ऊर्जा गी बढ़ावा देने दी कोश्ट भारत दे वैश्विक जलवायु नुमायंदगी कन्नै गैहराई ने जुड़ी दी ऐ। भारत ने 2030 थमां 9 ब'रे पैहले गै गैर जरवाश्म ईंधन स्रोतें थमां अपनी सीपत बिजली क्षमता दा 40 प्रतिशत हासल करने दे अपने कॉप-21 लक्ष्य गी हासल करी लैता ऐ। ग्लासगो च कॉप-26 च प्रधानमंत्री मोदी होरें 2070 तगर साफतेसिफर उत्सर्जन लेई पंचायत लक्ष्येंद ी घोशणा कीती ही। पिछले दहाके च भारत दी इस यात्रा थमां पता चलदा ऐ जे भारत लेई सतत विकास कोई लक्ष्य नेई सगुआं एह् उन्नति तरक्की दी असलियत ऐ।

<><><><><><>

DC Poonch

पुंछ दे डिप्टी कमीशनर विकास कुंडल होरें कल जिला सेहत सोसायटी दी इक बैठक दी अध्यक्षता कीती ते सेहत इदारें दी कारकरदगी दा जायजा लैता। इस दरान सेहत सरबंधत ढांचे गी तगड़ा करने ते सेवाएं दी दस्तेयाबी गी बेहतर करने लेई हीलें पर बी गल्लबात कीती गेई।

<><><><><><>

Eid Ul Zuha

अज्ज मुल्ख दे बक्ख-बक्ख हिस्सें च कुर्बानी दा उत्सव बकरीद-ईद-उल-अजहा पूरे मजहबी जज्बे ते जोश कन्नै मनाई जा'रदी ऐ। ईदगाहें ते मसीतें च नमाज अदा कीती जंदी ऐ। राश्ट्रीय राजधानी दिल्ली च बड़ी मती गिनतरी च लोक जामा मसीता, फतेहपुरी मसीत ते सारी ईदगाहें च बशेष नमाज लेई किट्ठे होए। ईद दे सिलसिले च राश्ट्रीय राजधानी च सुरक्षा ते पुख्ता प्रबंध कीते गेदे न। शैहरे दे सब्बने इलाकें च अमन-शांति ते सुरक्षत ढंगै कन्नै ईद मनाने लेई दिल्ली पुलसै पूरे शैहरे च गश्त जारी रखी दी ऐ। दिल्ली सरकारे गैर कनूनी तरीके नै गवें, बच्छुएं, ऊंटे ते दुए प्रतिबंधत मवेशिएं दी कुर्बानी खलाफ सख्त एडवाइसरी जारी कीती ऐ। सरकारै कुर्बानी आले अनुष्ठाने बगैरा दियां फोटो सांझियां करने पर बी बंदिश लाई दी ऐ ते निर्देश जारी कीते न जे एह अनुष्ठान तैह कीती गेदिएं थाहरें पर गै कीते जान ते सार्वजनिक थाहरें पर नेहा किश बी नेई कीती जा। हजरत इब्राहिम हुंदे आस्सेआ खुदा दे हक्कै दी पालमा करदे होई अपने इक्को इक पुत्र दी कुर्बानी देने दे चेते च ईद-उल-अजहा पर ध्यार मनाया जंदा ऐ।

<><><><><><>

Eid Ul Adha-JK

देसै दे होरने हिस्सें आंगर जम्मू कश्मीर च बी ईद-उल-अजहा धार्मिक उत्साह ते जोश जज्बे कन्नै मनाई जा करदी ऐं बडलै थमां गै लक्खे बद्धे अकीदमंद मसीतें ते ईदगाहें च ईछ दी खास नमाज अदा करा करदे न, जेहूदे मगरा त्याग, दया ते बलिदान दे मुल्लें पर लोह पाने आलियां तकरीरां कीतियां जंदियां न। उपराज्यपाल मनोज सिन्हा होरें ते मुख्यमंत्री उमर अब्दुल्ला होरें इस मौके पर लोकें गी शुभकामनां दित्तियां न। अपने सनेए च उपराज्यपाल होरें नमाज च एकता ते आपसी भाइचारे दी नीह मजबूत करने ते सब्बने दी भलाई बेहतरी जकीनी बनाने लेई हिर्ख ते दया भाव कन्नै कम्म करने दा आह्वान कीता। मुख्यमंत्री उमर अब्दुल्ला होरें अपने मुबारक असले सनेए च आखेआ जे एहू ध्यार ईमानदारी, सच्चाई ते बिजन स्वार्थ दे मुल्ले गी प्रेरित करदा ऐ।

<><><><><><>

Dy CM Greetings

उपमुख्यमंत्री सुरिन्दर चौधरी होरें अजज ईद उल अजहा दे पवित्र मौके पर जम्मू कश्मीर दे लोकें गी ममारकबाद दित्ती ऐ। उपमुख्यमंत्री होरें आखेआ जे एह ध्यार त्याग दी गीावना ते रब च आस्था दा प्रतीक ऐ जेहड़ा मनुखता गी हिर्ख प्रेम, दया ते कयणा राएं इकजुट होइयै रौहने दी प्रेरणा दिंदा ऐ।

उनें कामना कीती जे एह ध्यार समाज च एकडे ते आपसी भाईचारे गी होर तगड़ा करोग। श्री चौधरी होरें तरक्की, खुशहाली लेई प्रार्थना करदे होइ समूलचे इलाके दे लोकें दी भलाई बेहतरी ते सुख शांति दी बी कामना कीतीं

<><><><><><>

Ministers Greetings

कृषि उत्पादन, ग्रामीण विकास विभाग ते पंचैती राज मंत्री जावेद अहमद डार होरें जम्मू कश्मीर दे लोकें गी ईद-उल-अजहा दिशं शुभकामनां दित्तियां न। उनें सब्बने दी खुशहाली ते अमन शांति लेई प्रार्थना कीती। जल शक्ति मंत्री जावेद अहमद राणा होरें ईद-उल-अजहा दे मुबारक मौके पर जम्मू कश्मीर दे बसनीकें गी दित्ती शुभकामना भेंट कीतियां न।उपभोक्ता मामले दे मंत्री सतीश शर्मा होरें ईद-उल-अजहा दे मौके पर जम्मू कश्मीर दे लोकें गी शुभकामनां भेंट कीतियां न।

<><><><><><>